

修訂日期: 2004/10/22 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1216

原始資料: 蕭鎮國大德提供, 北美某大德提供

No. 1216

大方廣曼殊室利童真菩薩華嚴本教讚閻曼德迦忿怒王真言阿毘遮嚕迦儀軌品第三十一 (六足本尊品第二)

爾時金剛手祕密主。觀察大集會。及淨居天宮坐。眾作是告言。汝等應聽忿怒王無比威猛。曼殊室利之所說。治罰難調者。乃至斷命令順伏故。

先且說畫像儀軌。

爾時金剛手祕密主。以偈宣說而作是言。

不擇日吉宿	亦不限齋戒
怖畏冤敵者	應畫忿怒像
於黑分八日	及以十四日
當於塚間取	纏屍梵志衣
應於中夜間	以血漬其[統-儿+木]
又以水洗之	應令曬曝乾
猛惡性畫師	起忿形可畏
黑分於塚間	三夜畫令成
八夜十四夜	以犬脂然燈
畫人當應住	面向於南方
藉以髑髏坐	護定心身住
或行者自畫	怖冤所凌逼
當於初夜分	冤者身燒然
二更著寒熱	神著皆昏悶
三更捨其命	死已往他世
云何彼安然	懷惡於行者
冤對身枯爛	其家乃滅門
由畫此像故	閻曼德迦像
六面六手足	黑色肚如狼
持髑髏鬘怒	虎皮以為裙
持種種器仗	捧手而可畏
眼赤暴惡形	三目為幟幟

豎髮熾火焰
亦如安善那
其狀如劫燒
忿怒暴怖事
亦斷閻摩命
恐怖極操惡
能殺諸有情
自血以為色
犬脂和牛酥
死人髮作筆
斷食而應畫
廣獻食花等
犬肉為焚香
正畫像之時
畫像應分明
廣多與價直
無間應作之
買所用諸物
所作剋成就
賞彼畫像人
應當護彼身
并其家眷屬
念誦應畫之
分明作此像
成辦一切事
應持妙像去
大用及悖王
尤增上慢者
不益於三寶
不敬真言士
亦嫌持誦人
作法如儀則
逼惱諸有情
不久命當絕

或翬黑煙色
夏雨玄雲色
應畫乘水牛
能壞噓那囉
忿猛為常業
怖中極凶怖
應畫是忿怒
調和色暈淡
盛以鬻髑器
管以犬骨為
自作或使人
赤鬘紫檀香
人脂燈莊嚴
初中後供養
訓賞畫人功
令彼心歡喜
大猛利事業
勇士不訓價
以種種供養
令喜斷希望
不爾損於彼
亦應護自身
是則為儀軌
纔見滿意願
暴冤作害者
隨意所樂求
大富縱逸人
兇暴惡業人
斷見嫌真言
或嫌敬彼者
輕忽真言者
常不樂善法
為彼應作法
取木樓皮葉

并根及之菓
及以人骨糝
酸思之生薑
盡以人血和
行者面向南
像前作軍荼
或燒其刺木
相和以護摩
則當召火天
即結輸羅印
千八遍投火
初則兒凋喪
第二主及妻
第三彼皆死
對於此像前
為損彼冤故
彼國當滅亡
火起大風起
一切軍大眾
有種種災難
一切身枯悴
成就不應疑
其家亂鬪諍
其地悉旋動
皆圍遶其家
憂煩至楚苦
自在等地天
切利天帝釋
世間諸天等
彼命即殞絕
持誦者若忿
令彼身震裂
安立是尊像
於曠野塚間

醋漿乃相和
芥子油并毒
及赤芥子糝
并置於像前
尊像面向北
苦木以燃火
於彼爐應置
具知儀軌者
以忿怒明王
通一切事業
皆作大忿怒
次及眷屬亡
并以親族滅
如教應當知
中夜應念誦
如是應隨順
軍眾著疫病
暴雨而霖霖
他敵來討罰
及諸疾病起
為彼悖王作
非人遍充滿
寢息不得安
羅刹吸精氣
逼惱悉怖畏
無能加護彼
梵天等護世
一切真言天
纔見作威怒
中夜及日中
閻摩王躬親
隨樂於黑分
廣作供養食
迴樹稜譏廟

山間及巖窟	無侶當獨居
常應作此法	寂靜大蘭若
於空天中空	空窟及河側
海岸應往彼	如是等類處
住彼隨意樂	於百由旬內
應作如是法	如是說事量
清淨當作之	應住不放逸
清淨離愛欲	
真言境界不思議	真言所行不思議
真言神通不思議	行者成就不思議
所作事業不思議	所獲果報不思議
今現怒王閻曼德	是大威德業神通
所生遊戲神通境	行者成就不思議
顯現於此瞻部洲	一切菩薩大威德
彼皆無能為加護	何況世間諸真言
一切執曜及母天	伊舍那等為毘紐
婆藪童子天	乃至天帝釋
不以三昧耶	能護持彼人
佛子及菩薩	威德住十地
緣覺及聲聞	離欲大威德
不能護持彼	所求先本誓
我今略宣說	應聽求富貴
損害持誦者	無有能禁制
不喜持明人	云何得災息
若發淨信心	兼生悲愍意
持誦忿怒王	大威閻曼德
是時災害除	便護其身命
白[統-儿+木]芥子油	五種尾杉藥
犬血及犬肉	三辛鹽芥子
螺棘酸思子	海鹽陀咄根
及俱舍得枳	稗麻根麻灰
紅藍花根棘	與摩陀那根
葱蒜波羅奢	區吒迦及菲
蘇羅并藥酒	如是藥等分

投於像前爐
冤家根裔殞
護天及營從
至於第二遍
則令彼土境
亢旱及疫疾
失火并雨石
於聚落村坊
有多逼惱生
彼境生災祥
燒度度羅根
常燒辛刺物
若燒極醋物
生於彼身中
大朋黨躁惡
二夜或七夜
彼人所事天
用以燒屍灰
對於尊像前
念誦仍忿怒
忽然種種病
剎那頃殞滅
或被損肢節
穢惡非人類
毘舍遮餓鬼
自身及侍者
吉祥持金剛
遍禮一切佛
利益世間故
一切藥叉眾
菩薩之所說
藥叉女教輪
鉤召及敬愛
求染真言者

燒滿一千八
親族并朋友
種末皆殄除
持誦者護摩
并邑皆飢饉
羅刹皆充滿
霹靂與霜雹
乃至悖王境
敵軍來討罰
種種不祥類
彼人即癡狂
遍身如火焚
彼著寒熱病
悖王憍慢者
依輔大軍眾
令彼命終盡
及其屬星宿
盡彼等形狀
以脚踐其頂
令彼悖偽王
大患所侵凌
猛獸銜咬死
或復羅刹吞
食肉布單那
及與諸母天
須臾頃壞滅
處眾而說已
默然而安住
復作如是言
藥叉女真言
及藥叉將主
一切忿受用
諸惱不蠲除
愛暗昏其慧

不能於對治	以佛戒制斷
無始於輪迴	數習深可愍
從苦至於苦	佛故說惡趣
若能護諸根	梵行獲善趣
是故賢寂靜	究竟證涅槃
三業乘平等	獲得於圓寂
顛倒吞惡慧	愚者染昏昧
生死惡稠林	輪轉於五趣
哀愍彼苦故	聽受用貪染
能遮一切罪	及斷三種過
奉順法王教	解脫諸結縛

大方廣曼殊室利童真菩薩華嚴本教閻曼德迦忿怒王品第三十二

爾時寂靜慧菩薩摩訶薩。在彼大眾集會而坐。即從座起頂禮一切如來。於集會中住。遶釋迦牟尼佛三匝。接佛雙足虔恭長跪。即觀金剛手藥叉之主。作如是言。汝極暴惡。金剛手為諸有情。宣說殺害一切有情。及聽一切貪染真言教法。佛子諸菩薩非如是法。夫為大菩薩。從大悲所生。行菩薩行利益。以增上意樂正行故。不離諸有縛。佛子如來應正等覺。為一切有情說損害諸有情法。大悲成就故於諸有情利益安樂增上意樂故。

爾時金剛手菩薩摩訶薩。告寂靜慧菩薩言。寂靜慧菩薩如是學如是住。如汝所說如汝所顯示。如一切佛菩薩大威德者說。我亦如是說。依勝義實際法作如是說。

實際不思議	異熟不思議
佛法不思議	菩薩不思議
調伏有情行	行行不思議
菩薩之所行	故稱不思議
於諸真言教	威德不思議
忿怒王真言	大威閻曼德
神境不思議	大威不思議

寂靜慧不思議菩薩摩訶薩等。流行有情界所生如是。寂靜慧真言行菩薩。應發如是心。若行婬欲。於諸有情獲罪無量。墮於大那落迦。作瞋怒有情。亦獲罪無量。勿令有情於三種菩提無所堪任。寂靜慧如是持真言菩薩。發如是心。我以善巧方便。作阿毘遮嚕迦。於一切事業。不應取相不應執不善。應學調伏有情方便。以大悲纏心。復次佛子法非法。淨非淨。善非善。感應化有情善巧。諸佛菩薩從法界所流出。修行教法。即以此教於有情方便說。成熟有情故應如是正住。佛子我等應如是學。所謂調

伏有情成熟有情寂靜有情。彼佛子所入曼荼羅集會。盡皆應聽淨信善應觀察善不善。所謂如來說法深生愛樂不應疑謗。

爾時寂靜慧菩薩摩訶薩。觀察默然而住佛法不思議。如是作意則瞻仰如來。時金剛手祕密主。觀察大眾集會。復說忿怒王教法。教大眾言。汝等天眾有情界所依鬼神眾。行者先應護自身。取忿怒王像住於一處。所謂於摩醯首羅凌誡廟。以毒藥芥子犬血。和漿水塗。有凌誡取白[統-儿+木]葉供養。取人腸以為神線。角絡纏之。以右手持人髑髏。擲打凌誡。左手頭指擬大怒。而住彼悖王凌蔑。及餘惡人大朋大黨暴惡主宰。其作法處。閉門裸體被髮。以左脚踏摩醯首羅凌誡。擗裂兩段。聞大吽聲不應怖畏。即其日悖王及餘大惡朋黨冤敵。則被大寒熱病所持。或非人或羅刹所著。又更須與頃念誦。其冤敵於刹那頃殞矣。若至連夜誦。彼家眷屬滅壞。

又法日中至於摩醯首羅廟。取苦練葉獻之。燒犬肉充焚香誦真言。其冤家被火燒然。即著瘧病戰慄。若念誦。不問瞋怒住摩醯身右邊。即彼冤家喪滅。若欲令如故者。又以水洗凌誡。復冷牛乳浴之。還復如故。

又法摩醯首羅凌誡右邊。燃摩捺那棘木柴。以毘梨勒木。搵毒血芥子油。投火一千八遍。其冤家著大患無能醫療者。第二日即以大寒熱病及大病所持。或著種種病或非人所持致死。第三日三時念誦其命悉皆捨。欲求如故。以乳護摩彼聚落及冤家。悉得安樂。如是彼人所事一切天一切鬼神。以脚踏持誦之。書彼人所屬星宿。以左脚踏之。唯除如來所說真言諸餘一切世間真言。皆薰以左脚頭指踏而作法持誦。未修成就。忿怒王纔誦。能成辦一切事業。亦能壞一切真言。亦能害一切冤敵。亦能破一切真言法。我今略說。隨修行者依一切世出世間真言儀軌。設本教不說。取餘部尚獲一切成就。纔念誦能滿一切意願。纔誦忿怒王。獲得最勝成就。隨意樂起心亦能摧一切冤對。結輸羅印相應。成辦一切事。

又法午時至於屍林燒屍處。一日一夜不食。於黑分十四日。取屍林柴燒火。毒藥芥子與血相和。誦真言一遍一燒。即聞訶訶聲。一切餓鬼則來。不應怖畏。則告彼言。為我害彼冤敵。其鬼聞此言已。唯然受教隱而不現假使千由旬須臾頃即至。當害彼冤敵及家族。如是多種事業悉地皆能成辦。

又法於清閑寂靜處。取白[統-儿+木]子誦真言。一遍一燒一千八遍。以左右手各別取其灰。以一片淨物分為兩段。撮繫之各置一灰。裹於瓦椀中。又以一瓦椀蓋之。誦真言加護其物。至於大屍林黑分十四日夜。或黑分八日夜。住於燒屍處面向南。置二器於身前。裸體被髮忿怒無怖畏心。誦真言一萬二千遍。加持其物即得成就。或有非人。索成就物不應與之。若強奪灰。誦忿怒王真言及稱吽字。刹那頃不現。左右手所取灰。各分明記之。不應放逸。作加護。至於晨朝澡浴著淨衣服當歸本處。以先右手所取灰加持者。取是灰散於一切鬼神類天龍藥叉頂上。則成敬愛。以左手加持灰者。散於一切丈夫女人頂上皆令敬愛。取右邊灰散於臍。即成非男。散於生支。不能為

世事。受用染法行於邪行。若人寵愛於彼女人。以灰散其隱處。不能於餘男子行於非法。即其根毀壞。若於本夫交會。其根再得調適。如是散於男子生支。便華[女*卒]。其男子不能於餘女人受用行染。復於本妻生支。能起世事男子女人。取其本灰散其根門。互相情重。若餘男子女人強相逼近。即彼根蛆爛被虫咬食。因茲困頓。月內皆臭惡氣如死屍。以大患纏綿。其丈夫生支腫。由此因緣乃至命終無能救濟者。以此灰所作皆得成就。

又以灰塗手觸彼皆得成就。若自作或令他作亦皆隨意成就。如其觸不得者。取灰吹之。可灰到彼身分處。或散或想而散之。皆成辦一切事。又或自作令他作。隨意皆成就無異。皆功不唐捐。又坐物[疊*毛]被等種種嚴具。種種器仗所乘革屣傘蓋一切資具類飲食等。身所用家具花勃婁。騰及菓子塗香燒。香皆以灰散。被冤敵蚤蝨壁蝨及餘虫等充咬食。極受楚苦。乃至七日當殞。一切醫師無能療者。及餘諸天不能制止。一切真言不能擁護。除彼人與者作法。令如故。以甘草青蓮花白檀香。以清水相和研令碎。塗彼人身從頂至足。以聖曼殊室利根本真言加持即愈。

又法於上風。立一切茶枳尼及憍慢女人處。作是法。非餘處散其灰。作是思惟。令彼女人無根及孿。若為男作即無生支及髭鬚毛髮。亦能成辦種種事。教彼男子女人。令作亦得成就。隨想與彼人灰。教令作之。亦成如是。令彼患大疾。心思惟。觸其頂患頭痛。觸口即口生瘡。乃至次第觸心。心痛。觸肚肚痛。觸脚脚痛。觸脛脛痛。流血惡病血等令彼所患。乃至令身死。枯竭墮落鉤召令調伏。隨彼人所樂作一時成辦皆得。乃至損滅鉤召敬愛遙作亦得成就。

又至於深井上風立。即以二手捧其灰。散於城牆。却敵崩倒。其將帥屋宅被火所燒。被他敵來破。令彼大難逼迫棄本所居。奔馳逃散被他掩襲。又法他敵來。順風散灰。設彼軍眾力強。即自破壞。被大熱病所患。象馬車及步兵壞散。被他所擒。如是無量種事。隨意摧壞冤敵皆得成就。以此法亦能護自身及營從軍眾。若欲令彼如故。對忿怒王像前。用乳護摩一千八遍。彼得安樂無能沮壞(所說藥乞史二合尼法則修行具在別卷)

。

聖閻曼德迦威怒王立成大神驗念誦法一卷